



JESHI LA WOKOVU

TAMKO LA MSIMAMO WETU KIMATAIFA

UBAGUZI WA RANGI



TAMKO LA MSIMAMO

Ubaguzi wa rangi ni imani kwamba aina za watu zina tabia za kipekee za kitamaduni zinazoamuriwa na sababu za urithi na kwamba hili huzipa aina fulani za watu ubora wa ndani. ‘Ubaguzi wa Rangi’ vile vile huelezea mipango ya kisiasa au kijamii iliyojengwa juu ya imani hiyo.¹ Matumizi ya neno ‘ubaguzi wa rangi’ lenyewe linashindaniwa, lakini kwa ujumla hutumika kuelezea kikundi cha kipekee cha watu kinachoshiriki kwa pamoja kabilia, chanzo cha kitaifa, rangi ya ngozi. Jeshi la Wokovu linashutumu ubaguzi wa rangi wa aina zote.

Ubaguzi wa rangi ni msingi usioendana na imani ya Kikristo ya kwamba watu wote wameumbwa kwa mfano wa Mungu nao wako sawa kwa thamani. Jeshi la Wokovu linaamini kwamba dunia inatajirika kwa wingi wa tofauti za utamaduni na makabila.

Jeshi la Wokovu kwa uimara linaamini kwamba ubaguzi wa rangi ni kinyume cha kusudi la Mungu kwa wanadamu, na hata hivyo tunatambua kwamba tabia za ubaguzi wa rangi zipo katikati ya watu wote na jamii zote. Ubaguzi wa rangi unaweza kuchukua mielekeo mingi ikiwa ni pamoja na ukabila,² na

1 Collins English Dictionary – Complete and Unabridged, 12th Edition 2014; Oxford English Dictionaries, en.oxforddictionaries.com/definition/racism; Merriam-Webster Dictionary, www.merriam-webster.com/dictionary/racism.

2 Favouritism towards members a tribe or other social group especially when combined with strong negative feelings for people outside the group.

kupima³ mila zingine kulingana na ile yako⁴. Ubaguzi wa rangi sio matokeo ya tabia ya mtu binafsi, lakini vile vile inaweza kudumishwa na mifumo ya kijamii na taratibu zake. Wakati mwingine ubaguzi wa rangi huwa wa wazi na wa makusudi, lakini mara nyingi sivyo.

Wakati Waumini wa Jeshi la Wokovu wengi wamekabiliana kwa ujasiri kinyume na ubaguzi wa rangi, Jeshi la Wokovu linakiri kwa masikitiko kwamba Waumini wa Jeshi la Wokovu wakati mwingine wamechangia katika dhambi ya ubaguzi wa rangi na kukubaliana na misukumo ya uchumi, shirika na kijamii inayosababisha ubaguzi wa rangi. Jeshi la Wokovu limejitoa kupambana na ubaguzi wa rangi popote unapopatikana na litazungumza katika jamii duniani panapopatikana ubaguzi.

Tunapoomba mapenzi ya Mungu yatendeke duniani kama huko mbinguni, Jeshi la Wokovu litafanya kazi kuelekea kwenye upatikanaji wa dunia ambayo watu wake wote wanakubalika, wanapendwa na kuthaminiwa.

3 Prejudice or discrimination on the grounds of caste, with origins in India

4 Belief in the intrinsic superiority of the nation, culture, or group to which one belongs, often accompanied by feelings of dislike for other groups. (Collins English Dictionary – <https://www.collinsdictionary.com/us/dictionary/english/ethnocentrism>)

MSINGI NA YALIYOMO

Madaraja na ubaguzi vimekuwa vipengele vya jamii nyingi katika historia nzima ya binadamu. Hata hivyo dhana ya kundi kulingana na tofauti ya tabia za kurithi kama rangi ya ngozi imejitokeza tu katika karne za hivi karibuni.¹

Dhana ya kundi la watu imetumika kuhalalisha sera za kusikitisha za ubaguzi na uuaji. Sayansi hata hivyo imeonyesha kwamba, hakuna ushahidi wa kuunga mkono kuwepo kwa tofauti za kibaiolojia za aina za watu. Zaidi kuna tofauti ya maumbile ndani ya kila kundi la watu kuliko tofauti zilizopo kati ya makundi.²

Ubaguzi wa rangi unajidhihirisha katika tabia ya kubagua na kuweka pembezoni sehemu ya umma wanaonekana kuwa duni, au kwa sehemu nyingine wanaonekana tishio. Ubaguzi wa rangi unaweza kuchukua mwelekeo wa aina mbalimbali, ikiwa ni pamoja na chuki, kutofautiana, au kukosa matunzo. Kama matokeo ya ubaguzi wa rangi, watu hunyimwa nafasi za kushiriki kikamilifu na maendeleo katika maeneo mengi ya jamii. Mgawanyiko wa watu unaweza kufichika,

lakini ukawa umo ndani ya maisha ya taasisi katika kuwalinganisha watu, madaraja, ukoloni au utaratibu wa chuki dhidi ya wageni. Katika sehemu nyingi duniani, ubaguzi wa rangi bado unawanyima watu kupata mapato, matunzo kiafya, haki, makazi, elimu, ajira, haki za binadamu na usalama.

Kwa watu wengi, miongo ya mifumo ya kibaguzi na chuki vimetengeneza matokeo ya athari za vizazi na hasara. Hili linaweza kuwa limezama ndani sana ya taasisi na utamaduni hadi kuwafanya watu bila kujua waendeleze ubaguzi wa watu.

Ingawa ubaguzi wa watu huonekana waziwazi, kuna aina nyingine nyingi ambazo huonekana tu kwa jitihada. Kukabiliana na maswala ya ubaguzi wa rangi kunahitaji mipango yenye mahusiano na sheria, taratibu, mifumo ya shirika na badiliko la dhati la akili na mwenendo wa mtu binafsi.

1 George M. Fredrickson, The Historical Origins and Development of Racism http://www.pbs.org/race/000_About/002_04-background-02-01.htm. See also, 'Race' in *New Dictionary of Christian Ethics and Pastoral Theology*, eds, David J. Atkinson, David F. Field, Arthur Holmes and Oliver O'Donovan. Downers Grove: IVP 1995.

2 e.g., Long JC, Kittles RA. (2003). Human genetic diversity and the non-existence of biological races. *Hum Biol.* 75(4):449-71.; Alan R. Templeton. (2013). *Biological Races in Humans*. *Stud Hist Philos Biol Biomed Sci.* 44(3): 262–271.; Bamshad MJ, Olson SE. (2003). Does race exist? *Scientific American*. 289(6): 78-65.



MSINGI WA MSIMAMO WA JESHI LA WOKOVU

Maandiko yanadhihirisha kwamba Mungu huthamini na hupenda familia nzima ya wanadamu kwa usawa (Waefeso 3:14-15). Mwanadamu ameumbwa kwa mfano wa Mungu (Mwanzo 1:27). Kila mwanadamu ana mchoro mtakatifu wa Mungu ndani yake (Mwanzo 9:6). ‘Kutokana na mtu mmoja alifanya mataifa yote’ (Matendo 17:26). Wakati kila mwanadamu ana alama ya dhambi (Warumi 3:23), Mungu anawataka wote waokolewe (2 Petro 3:9). Mungu haonyeshi upendeleo (1 Petro 1:17; Matendo 10:34).

Wazo kwamba watu wa Israeli ni ‘watu wa Mungu waliochaguliwa’ kiblibia ni muhimu, lakini ni wazo ambalo mara nyingi limetumika vibaya. Maandiko yanasema Israeli ilichaguliwa na Mungu, sio kwa sababu ya ukuu wake wa kurithi (Kumbukumbu la Torati 7:7), bali kuwa taa kwa watu wote kupitia kwa Mwokozi wa ulimwengu atakayekuja kupitia kwao (Mwanzo 12:3; Isaya 49:6).


Ilibidi Yesu akanushe msimamo wa karne ya kwanza uliosema kwamba Wayahudi hawakuwa na lolote la kufanana na Wasamaria (Yohana 4) na alilazimika kukabiliana na ukweli kwamba Wayahudi wa wakati huo waliwadharau Wakanani (Mathayo 15:21-28). Baada ya Kufufuka Yesu anawaagiza wafuasi wake waende duniani kote wakawafanye wanafunzi watu wa makundi mbalimbali (Mathayo 28:19). Vile vile aliahidi kwamba Roho Mtakatifu atawawezesha wafuasi wake wawe washuhudiaji wake Yerusalem, na katika Yuda yote na Samaria na mwisho wa dunia’ (Matendo 1:8).

Hii inawezeshwa sana na kumiminwa kwa Roho Mtakatifu wakati wa Pentekoste. Makabila kumi na tano tofauti na maeneo yanaorodheshwa katika Matendo. Kila mmoja akasikia maajabu ya Mungu yaktangazwa katika lugha yake wenyewe (Matendo 2).

Petro alipokutana na Kornelio (Matendo 10) na Paulo alipokutana na baraza Yerusalem (Matendo 15) inaonyesha, Kanisa la Mwanzoni lilihangai ka kukubali kwamba habari njema ya Mungu kwa kweli ni kwa ajili ya kila mmoja.

Hata hivyo, Maandiko hayana shaka: ‘Hapana Myahudi wala Myunani. Hapana mtumwa wala huru, hapana mtu mume wala mtu mke. Maana ninyi nyote mmekuwa mmoja katika Kristo Yesu.’ (Wagalatia 3:28; Wakolosai 3:11, Waefeso 2:14). Msemo wa ‘mmoja katika Kristo Yesu’ unaanzisha utambulisho mpya ndani ya Kristo, sio katika jinsia au daraja au kabila.

Maono ya Biblia ya Yerusalem mpya ya mbinguni ni ya kabile kubwa lenye watu mbalimbali. Yohana anaandika, ‘Baada ya hayo nikaona, na tazama, mkutano mkubwa sana ambao hapana mtu awezaye kuuhesabu, watu wa kila taifa na kabile, na jamaa, na lugha wamesimama mbele ya kile kiti cha enzi, na mbele za mwana kondoo, wamevikwa mavazi meupe, wana matawi ya mitende mikononi mwao’ (Ufunuo 7:9).



MAJIBU KWA VITENDO

Ulimwengu mzima wa upendo wa Mungu unatangazwa wazi katika Maandiko, na lazima udhihirishwe katika maisha ya kila siku ya watu (1 Yohana 4:20). Ubaguzi wa rangi ni kosa ambalo linatakiwa kukabiliwa na linadai kukiri kwa ukweli, marekebisho na upatanisho katika ngazi ya shirika, watu binafsi na jamii.

Kujibu katika ngazi ya shirika:

Jeshi la Wokovu limejitoa kuhusu usawa, laahidi kutobagua na linathibitisha upana wa makabila. Huzuni na kutubu kunahitajika kuhusu urithi mbaya ambaa umejengwa huko nyuma. Tunakiri kwamba Waumini wa jeshi la Wokovu wakati mwingine wamekubaliana kiuchumi, kisiasa, kijamii na misukumo ya ndani inayoendeleza ubaguzi.

- Jeshi la Wokovu litatengeneza na kuhimiza jitihada za kutoa changamoto na kushinda ubaguzi popote unapokuwepo.
- Jeshi la Wokovu siku zote lazima liwe macho na kujilinda dhidi ya kupenyeza ubaguzi katika shirika letu.
- Jeshi la Wokovu linatambua umuhimu wa utaratibu imara wa kutoa ripoti na kujadili ubaguzi bila woga na litajitahidi kufanya hivyo.
- Jeshi la Wokovu litaendelea kujitahidi kuhakikisha pana mchanganyiko wa mataifa katika uongozi wa kimataifa na wa teritorii.
- Jeshi la Wokovu litakuza thamani ya mchanganyiko wa mataifa na mjumuisho katika maeneo yote ya maisha ya Jeshi la Wokovu pamoja na kutoa kipaumbele cha misaada ya elimu na maendeleo kwa wote.
- Jeshi la Wokovu mara kwa mara litafanya tathmini ya uwekezaji wake kuhakikisha kwamba unaendana na imani inayotangazwa nalo.

Majibu katika ngazi ya mtu binafsi

- Waumini wa Jeshi la Wokovu wanatarajiwa kuchukua hatua za kibinafsi dhidi ya ubaguzi wakihamasishwa na utii wao kwa mfano wa Yesu na heshima yao kwa sura ya Mungu katika kila mtu.
- Waumini wa Jeshi la Wokovu wanatarajiwa kutafuta kushawishi tabia za wengine kwa kupinga ubaguzi katika misemo na mizaha kwa kujieleza.
- Waumini wa Jeshi la Wokovu wanatakiwa kulea familia zao zishukuru kuwa na tofauti nyingi za utamaduni na makabila.
- Waumini wa Jeshi la Wokovu wanahimizwa kuungana na wengine katika jitihada za pamoja za kuleta haki kwa waathirika wa ubaguzi.

Majibu katika ngazi ya jamii

Jeshi la Wokovu litatafuta kushawishi serikali, wafanya biashara, mashirika ya umma na jamii nyingine za imani:

- Watafute malengo ya haki kwa mataifa na kiuchumi. Hii lazima ijumuushe jitihada za kupata hali ya mazingira sawa ya kazi, mapato ya kutosheleza, usalama na makazi sawa, nafasi ya elimu itakayoimarisha maisha, na matunzo kiafya ambayo yatapatikana bila kujali kabilaa.
- Litakuwa makini kuhusu wajibu wake wa kueneza haki ya watu mbalimbali na mchanganyiko wa makabila mbalimbali katika sekta binafsi na ya umma katika maisha.
- Litajiuia kutamka lolote linaloweza kuchangia kuleta ubaguzi.
- Litahimiza wote – hasa viongozi katika jamii – watambue matokeo mabaya ya ubaguzi katika jamii na wajitoe kuondoa ukosefu wa haki hii duniani.



Imepitishwa na Jenerali, Oktoba 2017.

Mawazo yaliyoelezwa katika tamko la msimamo wetu kimataifa ndiyo msimamo rasmi wa Jeshi la Wokovu kuhusu maswala yaliyoelezwa, na hayatakiwi kubadilishwa kwa njia yoyote bila ya idhini ya Makao Makuu ya Kimataifa kwa maandishi.

